



21168

kat.komp.

III

Mag. St. Dr.

P

Ren

Gelasino Gaspari: *Ἐμπόρευσις* sine *Indi-*
pidium

PANEG. et VITAE

Polon. Fol.

№ 1509.

ΕΠΙΚΡΟΤΗΣΙΣ
SIVE
TRIPVDIVM
PER GESTIENTES
INVITANTE APOLLINE
M V S A S.
HYMÆNEO

INVICTIS^{mi} AC POTENTIS^{ui} Dñi D.
VLADISLAI IV.
Poloniæ ac Sueciæ Regis, &c. &c.

ET
SERENISS^{ma} ATQVE AVGVSTISS^{ma}
CÆCILIAE RENATÆ
Archiducissæ Austriæ, Ducissæ Burgun-
diæ, Styriæ, &c. &c.

NEOSPONSORVM.

PER
M. GASPARVM GELASINVM Leop. Philos. in alma
Acad. Crac. Doct. & Professorem, Collegij Min. Collegam.
P V B L I C A T V M.

CRAC. Ex Officina Francisci Cæsarij, Anno Dni 1637.

In Augustissimum Serenissimæ Regiæ
Maiestatis Insigne.



HIC tibi Fortunam cumulavit clara Maniplus
Lechia, quem Iouis hic ales abunde fouet
Austria sed quem nunc sociali federe nectit,
Celi, plena tibi Copia, sede ruit.

Ioannes Wolphowic Leopold. Art. & Philof: Baccalau.



BIBLIOTH. UNIV.
VARELLONIGAE

P O E T A.

EST locus, ætherei spectans orientia Solis
 Lumina, purpureis quem primùm vultibus ardens
 Nobilitat Phæbus, lotis cum gurgite vasto
 Oceani cursu spumantibus vsque quadrigis
 Auricomum caput æquoreis producit ab undis,
 Et patulo nigras depellit ab æthere noctes,
 Clarum purpuream spargit lucemque per orbem.
 Donec hic effusas in cursum rite quadrigas
 Titan agat, rutilum & iubeat percurrere Olympum,
 Quamq; prius mundi perlustret lampade corpus
 Luciflua, grato terram recreetq; calore,
 Hæret : & inprimis toto defixus in orbem
 Obtutu, celeres oculos fert omnia circum,
 Quæ vel in æquoreis degunt gratissima limphis.
 Corpora, vel quæ lanigeræ per compita currunt,
 Aut densas pecudes sylvas lucosque pererrant,
 Vel quæ mortales nuper promissa Tonanti
 Vota ferant : qui Marti hostilia corda litare
 Approperet, qui Triptolomo Cærerique suaue
 Ferre melos : vel qui tentare Thetin, sua vela
 Vel dare Neptuno, rapidis vel credere ventis.
 Sic oculis Phæbus quando simul omnia spectat,
 Atque salutifero per singula lumine currit :
 Ecce inter reliquas hinc inclyta Lechia formas,
 Inde serenato præcellens Austria vultu,
 Vtraq; flammigeros Phæbi perstringit ocellos,
 Obtutumq; tenens, radios mox iuge micantes
 Prouocat vsq; magis, magis attonitumque stupore
 Pertrahit, & Phæbi aspectum sibi mancipat omnem.

Ille sed vt spectat vultus vtriusque venustos
Et pulchrè formas læto splendore micantes,
Augustam faciem Maiestatisque potentem,
Qualem nec Tyriæ cognorat gloria Thæbæ
Olim, nec multo Carthago decore superba,
Nec nisi quod poterat Graiûm concedere fraudi
Ilium, & Ausonij laus, inclyta Roma Quirini:
Terque quaterque rotat currum, volucresque quadrigas
Austriaci circum Lechicique per orbis amæna,
Quò mage cælestes expresserit vndique laudes,
Nôrit & Austriaci nomenque iubarque decoris,
Et Lechicis repleat roseos splendoribus ignes.
Ergo currit iter, lætus volitatque per astra,
Et gratus recreat saliens sua lumina Phæbus
Luminibus, quæ vel cælestibus Austria flammis,
Lechia vel Solis radijs superaddit amænis.

Ac vbi diuino celebres tunc ebibit ore
Virtutes, & vtramque hausit benè lumine Diuam,
Protinus exclamat, multâ & velut ebrius arte
Ambas alloquitur promens has ore loquellas.
Austria magnificas inter celeberrima gentes,
Lechia sublimis inter numerata Dynastas.
Lechia digna polo, toto venerabilis orbi:
Austria sydereas interponenda cateruas.
Austria deliciæ supremi & cura Tonantis:
Lechia grata Deo, gratissima Lechia Olympo.
Lechia Dîa parens Regum, Regum & pia nutrix,
Austria totius quam Reges orbis adorant.
Austria tota Panomphæo quæ dedita Christo es,
Lechia Verbigenæ soli iurata Tonanti.
Lechia murus æhene⁹ aduersum Hæresis hydrâ, Austria

Austria Tartareas citò cadere docta cateruas.
 Austria prudentis Bellonæ digna propago,
 Lechia Bisthonij perquam inclyta filia Martis.
 Lechia docta, Iouis cerebro cum Pallade nata :
 Austria quam sanctè sapientia dia gubernat,
 Austria fortunæ nullis obnoxia furtis :
 Lechia docta malæ fortis deuincere fraudes.
 Lechia virtuti soli seruire parata ;
 Austria virtuti fasces submittere nata.
 Austria laurigeris multum decorata triumphis,
 Lechia magnificis latè visenda trophæis.
 Lechia diuino portanda per æthera cantu,
 Austria cælesti cantanda per omnia laude.
 Austria subnixum curis quæ grandibus orbem
 Catholicum virtute foues, nec viribus vllis
 Parces, quin, si quæ, Christi pia Sponsa, pericla
 Fortè reformidat, fessis Tu occurrere prima
 Consuësti, dubijsque simul succurrere rebus.
 Lechia quanta Tuo rutilat (prò) gloria vultu,
 Hac summos imosque tenes, hanc suspicit orbis,
 Quâ patet in totum terræ, colit hanc & adorat
 Mortalis quicuis, in cuius pectore Numen
 Infedit melius, ratio vel suggerit omen.
 Austria quàm Te Pallas amat, sapientia nutrit,
 Quam Tibi corda patent Consi, quàm gloria Martis
 Te in bellis ornat, Te mactat laude togata
 Pax, & Palladiâ Tibi tempora cingit oliuâ.
 Lechia cui Primas tribuit sapientia laudes,
 Et Dea virtutum Pietas, castissima Patrum
 Prisca fides, fædam nullis quam erroribus vnquam.

Aternum constans Tibi semper Lechia seruas.

Tales cum Phæbus plaudenti voce loquellas
Miscet, & effari roseo parat amplius ore,
Intonuit cælum, miti crepuitque susurro:
Nec mora cæruleæ soluuntur cardine postes,
Ipseque fulminibus vallatus Iuppiter astat,
Et Phæbum verbis mox sic compellat amicis.

Linque moras Cynthi, laudēs quid promere cōfert
Austriaci Lechicique orbis, quas inclytā Cæli
Pegmata vix capiunt? venient sacra tempora, quando
Bellua depositis Othomanica nempe superbis
Cristis, sub pedibus Regis calcata gemiscet
VLADISLAI: cum totus portabit honores
Certatim mundus, virtuti & rite litabit
Eius, nostro illum in numero meritoque locabit.
Vel sacra cum soboles Lechiæ magnū incrementum
Cæli, Massagetasque truces, Indosque superbos,
Et quæ terrigenis nunc haud est cognita tellus,
Imperio premet, & seruos sibi viuere coget:
Tunc Lechiam mirabere, tunc tandē Austria multum
Vsque tuos clarissime Phæbe tenebit ocellos.
Nunc iuuat optatos thalami felicitis honores,
Nunc sacras celebrare faces, nunc dicere vota,
Nunc cantare Hymen, plenīs & lilia ferre
Nunc calathis, pedibus choreas nunc plaudere, castas
Nunc cantare iuuat pia carmina iuge sorores.
Austria Sponsa thorū ingreditur Regis, simul atque
Magnanimi formosus Hymen commigrat in altum
Cor Regis, celebrate hymen, Io dicite Io,
Dicite Io Pæan, Io bis dicite Pæan.

Sic fatus, cælo Diuūm comitante cateruā

Labi

Labitur, augustis vt prospera tempora fundat
Coniugibus, cunctis rebus faciatq; beatos,
Nec mora tunc Phæbus Charites docta q; sorores
Inuitat, ac hilari plaudens sic conuocat ore,
Lapsus ab Astrifero festa ad Connubia cælo
Phæbus adest. Vos ô Superi, vos cernere coram
Possumus Aonij Vates. En panditur æther,
Et longo in nostras ascenditis ordine terras.
Currite Pierides per compita currite Musæ,
Linguite Parnassi Comites iuga linguite Musæ.
Currite docta cohors Heliconia currite Phæbi,
Ferte melos, portate chelyn, date dulcia Phæbo
Barbita, nunc aptate modos, nunc dicite Carmen,
Quale vel æthereis consueſtis dicere Diuis,
Aonios hilares inter vel psallere montes,
Vosq; meæ Charites, magni Iouis inclyta proles,
Quæ vel in Elysij felices degitis aruis,
Siue Deas inter lusus aptare venustos,
Pergitis, huc conferte choros, huc gaudia læta,
Huc numeros, huc rite melos, huc tollite plausus.

Vix ea fatus erat Phæbus, mox agmine pulchro
Hinc Charites currunt, veniunt lætæ inde sorores,
Instructæ docto istæ Carmine dicere laudes,
Hæ pulchros pedibus numeros celebrare paratæ.
Omnes quæ poterant Parnasso munera Sponsis
Ferre, hilares portant, iam Carmina dulce canentes.
Dumq; faces accendit Hymen, dum Numine pompam
Propitio exornat, socialeſque instruit ignes,
Ecce coronatâ plectrum testudine ducens,
Inclyta Calliope roseo sic inchoat ore.

S E R E-

SERENISS^{ma} SEMPER Q. AVGVSTÆ

IAGELONIÆ

ET

AVSTRIACÆ

Lechico sub Diademate radianti

MAIESTATI

CALLIOPE

VICTRICEM PALMAM.

*Vincit onus molemq; gravem ceu palma virescens,
Sic Maieitati fors mala nulla nocet.*

ODE Tric: Tetrastr.

TEstudo Diuūm deliciæ, inferis
Quæ, digna cælo pectora, posthumæ
Æternitati, Cælitumque

In nitido numero reponis.

Effunde plaudens Palladium melos,

Cunctisque mundi partibus occine

Augustum Hymen, longè & micantem

Austriacum Lechicumque Solem.

Tedas iugales mox & in intimos

Cæli recessusingere: fasciam,

Quæ dexteris Regum beatas

Colligat, vsq; polo repone.

Regale

Regale lumen non valet angulis
Terræ teneri, nescit in abditis,
Latere finibus caduci
Orbis, & intereuntis æui.

Sed verò Palma vt florida, stipite
Recto supernum fertur in æthera.
Ramosque partes latè in omnes
Porrigit omnepatentis orbis.

Diuina Regum sic vbiuis licet
Splendet locorum, pegmata sed tamen
Excelsa, MAIESTAS, Olympi
Suspicit, auspicijs secundis.

Cæleste Regum Par, cui fædera
Tori iugalis, frugiferæ omnium
Parentis, & cælestis aulæ
Cunctipotens Pater approbavit

Æuo perenni, quidquid vtroque sub
Phæbo vsque terrarum iacet, hoc Tibi
Inseruiat soli: Scythes Te
India Te & Garamantæ adorent.

Te Sol beatis temporibus diu
Fæcundet: ætatem & Pylij senis.
Elargiatur, sub Tuisque
Iam pedibus fera fors gemiscat

Quocunque tempus, commoda Patriæ
Vel inuitabunt Te, bona faustitas
Ducat gradu semper beato,
Te simul ipsa vehat salusque.

B. ÆTERNÆ

Æ T E R N Æ

Quam Hæreditaria in IAGELONIO &
AVSTRIACO SANGVINE
V I R T V S

SERENISSIMIS AC POTENTIS-
SIMIS PEPERIT

NE O S P O N S I S
I M M O R T A L I T A T I
V R A N I A

N V S Q V A M M A R C E S C E N T E M
C E D R V M.

*Enecat æternam caries non improba Cedrum
Sic Regale diu stat sine morte decus.*

ODE Dicol: Tetrastr.

FAlcibus Saturne ferox acutis
Lubrici qui non finis, vt perenni
Transeant gressu celeres leuesque
Temporis horæ,
Cuncta sed motu rapis inquieto,
Vel truci ferro perimis, iubes vel
Amplius nunquam reditura tristes
Currere in auras.

Imperi fines age qui memento
Sint tui, ne falx, aliena tangat

Quæ

Quæ Pater Diuûm voluit perenne
Viuerè in æuum.

Scinde qui cælum haud sapiunt agrestes
Spiritus, duras populare mentes
Quæis moras præceps breuiore fatum
Limite scripsit.

Quos sed æterno sociauit æuo
Nesciens finem Deus, atque donec
Cynthius cælum peraget quadrigas,
Viuerè iussit.

Ne caue tangas. Quid enim feroci
Est opus ferro laniare pectus.
Alma quod virtus fouet inuidendæ
Nescia mortis.

Viuet extento VLADISLAVS æuo,
Quamque felici, sibi Rex, fauente
Coniugem, cælo, sociauit almam
Fædere, viuet.

Nil, quod hîc tristis rabido vetustas
Ambedat morfu, penitus videbis,
Frustra cheus frustra exacuis minaces
Inuida dentes.

Nescit hem nescit generosus iste
Sanguis infestam cariem, sed omni
Vt Cedrus semper libanitis vsque
Tempore viuet.

Viuat istud Par Lechico Trioni,
Gloriâ celsum quatiens Olympum,
Omnibus, toti, genitus, triumphis,
Viuat & orbi.

PERINCLYTO
SERENISSIMÆ REGIÆ MAIESTATIS
CONIUGIO
EUTERPE

Semper Fragrantem

MALVM CYDONIAM.

*Et viret hæc Malus, iucundum & spirat odorem.
Regali hoc viues Lechia Coniugio.*

ODE Dic: Distroph.

S Acras iungite dexteras,
Quas non vlla dies, fata nec impia
Rumpant, purpureas sacri
Reges, tempus adest, iungite dexteras.
Blandis en venit aurea
Vobis auspicijs lux, roseamque sol
Componit melius facem.
Dum flammæ Pyrois amplius euomit.
En iam fædi abeunt dies,
En rerum facies nubila profugit,
Dum æther lenius intonat,
Ingenti & cumulant Cælicolæ sua
Plausu munera, cùm omnia
Adstant connubio Numina, cùm fauent
Applausuque suo increpant,
Reges iungite Io, iungite dexteras.
O Par Connubio sacrum,
O Regina Tuo prosperior magis

Sponso

Sponſo, Tuque ſimul magis
 Sponſâ proſperior Rex. Quid enim haud vides
 Quêis hæc forma genis micat?
 An non Palladijs? Quid Cytherea? non
 Tales nempe gerit Comas?
 Hoc Saturnia non lumine fulgurat?
 Ne mortalia Virginis
 Credas corda, Tuas Virgine Regiâ
 Hac ſortes ſuperûm bene
 Æquabis. Sed enim Tu quoque lumina
 Sponſum in flecte animi, inclyta
 Virgo, nonne Viros inter is eminet
 Qualis nocte ſub vdulâ
 Extinguit ſocios Lucifer emicans
 Ignes purpureus. Vide
 Alta menteque ſub, finge, quis, aut mage
 Olim quantus erit, cùm ei
 Occurres reduci, magnifico ſimul
 Curru inuecta triumphum ages,
 Effuſæ quatient aſtraque vocibus
 Vrbes. Viuat Io, Io,
 Par regale Io, viuat Io, Io.

A V G V S T Æ

Iam, Iamque præſentiſſimam Poloniæ ſalutem

G E R M I N A N T I

Diuino conſilio Nubentium Regum

P R V D E N T I Æ

C L I O

A M Y G D A L V M.

*Et flores, & maturas citò Amygdala fructus,
 Coniugio Regum pullulat anne ſalus?*

ODE Tricol: Tetrastr.

ECquid superbos Dardana spiritus
Extollis? ecquid vertice sydera
O Roma gestis tangere? & te
Dicere delicias Deorum
Audes? Camillos cum numeras tuos
Aut Africanos suspicis, inclyto
Aut Marios, vel Scauolas, seu
Magnificos animo Catones.
Iactas quid alti prodiga terminos
Ac vsque terræ, finibus imperi
Æquas? tuis vtrumque Phæbum
Sub pedibus latuisse gaudens.
Fæcunda virtus hæccine cernitur?
Possessa Patrum robore, laudibus
Efferre, quæ segnis voluntas,
Alterius pedibus, Nepotum
Permisit. Hæc est propria scilicet
Laus, vera virtus, parta laboribus
Patrum tueri quæ scit, vltra
Tradere pignoribusque seris.
Hæc nata virtus in Iageloniâ
Per quam beatâ stirpe, & in Austriâ
Pulchrè nitet sæclo perenni
Tempore & vsque nitebit omni.
Quis non in altis pectoribus satis
Miratur olim magnanimi sacram
Prudentiam Regis, ferox quem
Surripuit Lachesis cum amænâ
Consorte digna temporibus senis
Pyli, atque digna perpetua poli

CON-

CONSTANTIA immortalitate,
Austria quam Lechico Trioni
Donauit: ast quid lucrificis iuuat
Turbare mentes vsque doloribus
En viuut illud Parbeatum;
Et noua gaudia Patriæ fert.
Polona gaude gens, timeas fere
Hostis, tuam heus in perniciem noui
Sponsi, vetus lumen Polonæ
Nempe rei venit, heus caueto.

INVICTÆ
SACRÆ REGIÆ MAIESTATIS
FORTITVDINI
ERATO
QUERCVM IOVI SACRAM.

*Quercus amica Ioui, nullo commota furore
Venti stat, Virtus Regia talis adest.*

O DE Tric: Tetrastr.

O Quàm magnificis digna es honoribus
Quercus, quam Casius seruat &, & fouet
Semper Iuppiter, atque
Diuorum Pater inclytus.
Tu quæ Magnanimùm tempora Principum
Ornas, quos Patriæ dura pericula
Mortem temnere cogant,
Dum Ciuem subita Atropos
Absorbere parat, cæca vel hostium
Contendit Nemesis tradere funeri.

Tu

Tu quam flamina sæui
 Venti vertere non queunt
 Aeternum sacrosancta ante palatia
 Regum stabis, & vltra Garamantas &
 Indos Martia mittes
 Corda, elinguis esilicet.
 Testare altifono robur aheneum
 Cælo, te quoties lumine fulgido
 Titan viderit, vsque
 Reges supplice gloriâ
 Nostros lætus adoret, foueat simul
 Curâ sospite, ne tam inclyta Numina
 Regum, fors mala, quouis
 Ausu tangere gestiat.
 Sensit percelebrem hanc vis Othomanica
 Virtutem, Osmanias quando acies mei
 Reges, nomine solo
 Mandabant stygijs aquis.
 Quid? non Moschua ferox? non stygia Hæresis
 Inuictum fugiens. V L A D E S I L A E Te
 Virtutemque fouebit
 Istam nempe Tuam sacram.
 Viues inclyte Rex, tingere limpida
 Et quo se properant lumina Cynthij,
 Robur barbara tellus
 Tantum ô quàm citò sentiet.
 Viues, Oceanus gestit honoribus
 En iam vos celebrare, en citò gloriâ
 Vestri Nominis alti
 Tellus tota superbiet.

DIVINÆ

D I V I N A E

In Augusto Iagelonij Austriaciq̃ue No-
minis Sanguine

R A D I A N T I I V S T I T I Æ

T E R P S I C H O R E

M A L V M M E D I C A M.

*Aurea poma gerit, pulchrè balat, cortice amara
Asperat: est talis regia iustitia.*

O D E D i c : Tetrastr.

EN Hymen venit superis ab oris
Lapsus, augustum celebrate Pæan,
Quale vel celsis residens in axe

Cantat Apollo.

Siue currentes per amœna Phæbi
Prata Pimplææ resonant sorores
Siue ludentes Charites iocosa

Voce susurrant.

En Hymen venit superis ab oris
Multa quem stipat bene fors secundo
Omne, augusto celebrate lætum

Carminibus Pæan.

Lechiæ sacram celebris salutem
Austria apportat, generosa vultu
Candido Regem venerata Virgo est,

Dicite Pæan.

En Hymen venit rutilans Olympo,
Dexteris sacras sociare Reges

C

Iussit,

Iussit, en lætus thalamo iugales

Vstulat ignes.

Iam sacrum digno diadema clarè in

Vertice effulget, gerit & decora

Virginis iam sceptrâ manus, beatum

Dicite cæmen.

Ecce in Augusto generosa ritè

Virgo iam sedit solio, iam habenas

Imperii sanctè tenet, hinc amænum

Dicite Pæan.

Iam polus nobis fauet, & beata

Præmia apportat, renidensque tellus

Optimè ridet, sequiturque pleno

Copia cornu.

Næniæ tristes abeant, dolorque

Anxiùs longo iaceat sopore

Nil iuuat prorsus vigili reclusum

Pectore vulnus.

En Hymen venit superis ab oris

Multa quem stipat bene fors secundo

Omne, augusto celebrate lætum

Carminè Pæan.

R E G A L I

IN AVGVSTISSIMIS NEOSPONSIS

Diuino more

R V T I L A N T I C L E M E N T I Æ

M E L P O M E N E

B V X V M.

Perpetuò

*Perpetuò est viridis Buxus, clementia quippe
Regum, non ullo tempore arefcit atro,*

ODE Disc: Distroph.

Diuis edite Regibus
Rex, Diuum & superis digne Palatijs
Cuius pectore in emicat
Non humana feris horrida flammulis
Ira: aut effera, gentibus.
Atque exosa tyrannis ciet austerum
Pectus, fulmen & haud spuit,
Mentes quod timidas vrat & impijs
Fædè sorbeat ignibus.
Sanctè compositum sed geris inclytum
Pectus, Pneumate cælico
Plenum, quò (veluti munificus Pater
Suevit sanguine proprio
Cretos dulce fouere & bene filios)
Diuino Tibi munere
Concessum populum vt Celsitonans regas.
Diuis edita Regibus
O Regina, Deum digna Palatijs,
Cui mens fulgurat omnium
Virtutum superis quæ ædibus enitent
Gazâ, Nobile Principum
Par ô viue diu, forteque prospera
Flore, ac auspicijs bonis
Fines imperij profer, & hinc Tibi
Thule seruiat vltima,
Ac vt pulchra viret Buxus, & omnibus

Annorum spatijs nitet,
Sic Tu nobile Par omnibus emine
Orbis Regibus. Hic Tibi
Vno dulce Tuum carmine concinet
Pignus. Cælica pectora
Regum viuite Io, sic Io viuite
Fausto sydere prospere
Vt felice solent lumine nauibus
Lucere OEbalij Dij:
Vos diuina diu dextera gestitet,
Illam quam Patriæ intima
Spes poscit sobolem fundite regiam,
Vitam fundite Patriæ
Quam post grata diu posteritas colet.

MERITISSIMÆ
REGALIBVS VIRTVTIBVS
PACI
THALIA
OLIVAM.

*Laurigeram signat bona pacem Palladis arbor
Quid nisi Coniugio hoc Pax mihi certa venit?*

ODE Dic Tetrastr.

SAt luctuosus funeribus datum
Gradue, iam sat sanguine Manibus
Dis hostico litauimus, iam
Militiæ fileant tumultus.

Bellona

Bellona prudens ægyda proijcit,
Quando sereno iam videt inclytam
Vultu quietem bellicosi
Ire super nitidos Penates
Regis. Quid? ergo nubibus excidunt
Imbres in agros semper? & aut mare
Vexant inæquales procellæ
Littora concutuntque amæna.
Tandem sereno lumine Cynthia
Aspectat infestum æquor, & impetus
Mox æstuosos comprimit, nec
Grande finit pelagus moueri.
Quati cruento vidimus impetu
Martis furentes in fera spiritus
Bella, & graui cursu citoque
Sanguineos latices fluentes.
Sensere dextras Hesperij sinus
Nostras, Eous nouit & orbis, &
Quicquid Notusvè turbidusvè
Forte soli Boreas pererrat.
Nunc iam Quietì Numina languidæ
Fauent, & almos (Marte procul) dies
Petita conferunt: Fauete
Quos fera bella diu fatigant,
Pax alma currit: Barrus eburneo
Qui dente sæuus Martia vincere
Antehac solebat bella, nunc fert
Grande iugum stimulis subactus.
Pax alma currit, fertilis it simul
Et annus, alto dicite gutture

Laudes nouis Nuptis, & vsque ad
Astra sacros celebrate Sponsos.
Viuat beato Sponsus in ordine
Regum, beato Sponsaque Principi
Corregnet, & longo serenos
Tempore rite legant Nepotes.

AUGVSTISSIMIS
Quas Virtus Sanguini Iagelonio &
Austriaco copulata
DEBITAS SIBI FECIT

Victorijs, Trophæis, & Triumphis.

POLYMNIA

LAVRVM.

*Patria certa tibi Laurus fert signa salutis,
Regum ex Connubio hoc, quid nisi certa salus?*

ODE Dic: Tetrastr.

CÆsarum quisquis veteres triumphos
Suspicias, quisquis veneranda lustras
Gesta, victrici redimita siue

Tempora lauro,

Cerne virtutes, nitido sinu quas
Dia vel nutrit Iagelona stirps, vel
Seruat excelso gremio beata

Austria semper.

Cæsarum ô mendax (vetus vsque quamuis)
Fama, quæ multo maculosa cano

Princi-

Principum sacrâ redimita iactas

Tempora lauro.

Ergo crudelis caput inuidendum

Roma vidisti populo canente

Ferre Neronis generosè ouantem

Rite coronam?

Voce & excelsâ venienti amâne

Viuat & viuat meus vsque & viuat

Dixeras Cæsar, populandus atris

Ignibus Urbem?

Nescit impurum scelus ah serenæ

Ferre virtutis decus, & sub auro

Horridum fætet, celebresque ocellos

Turpe colorat.

Nulla solennes memoret triumphos

Gens, superbas quin taceat proterua

Eloqui lauros. Tibi V L A D I S L A E hæc

Debita laus est.

Nemo sic nouit rigidas Phalanges

Hostium victor superare, bello

Incruento, perceleri & secundo,

Hæc Tua laus est.

Magne R E X soli Tibi tot triumphi

Quotquot aut orbis capit, aut videre

Sol potest, debentur. Age alma Laurus

Te sibi donat.

Te coronatum viridi trophæo

Gens adorabit Læchica, & potentes

Effarent Reges, feret & salutes

Terra polusque.

POETA

POETA.

HÆc cùm sic doctæ promunt monumenta Sorores
 Plaudentesque sacro volitant per sydera cantu,
 Mox Regale pio veneratus poplite fædus,
 Tales conceptis fert votis ore loquelas
 Ambrosio, Aonij cæus moderator Apollo.

A POLLO.

LEchia sydereas summis quæ laudibus arces
 Æquas, quæque salutifero dignata Tonantis
 Complexu, cunctas magno Vrbes vincis honore.
 Accipe quam sacro desert tibi fædere Numen
 Sortem, quæ felix æuum durabit in omne.

Quæ Tibi regnatura venit felice RENATA
 Nomine, Fortunam fausto reuocabit abunde
 Omine, fortunam quam olim est venerata vetustas
 Lechica, fortunam totus quam mundus amauit
 Olim, Cælicolæ diui nimiumque probarunt.

Hac Tibi cum Consorte iterum vehet aurea magnus
 Sæcla VLADESILAVS, quanta olim antiqua propago
 Vidit Lechiadum, quando sol sponte ferebat
 Omnia, poscebat quæ hominum quandoque voluntas.

Hæc Tibi reseruet plaudentibus inclyta fatis
 Virgo, felici quæ te beat omine. Virgo
 Nomine cælesti quam vis diuina beavit:
 Cælitus vsque sibi Virgo Lechiæque RENATA.

*Impensis ex fundatione perpetua Generosi olim Dni Bar-
 tholomei Nouodvorski, Equitis Meliten-
 sis, &c. &c.*

BIBLIOTH. UNIV.



UNIVERSITATIS
 LITHUANICAE



Biblioteka Jagiellońska



stdr0009721

